



Universitätsbibliothek Paderborn

**R. P. Thomæ Tamburini Societatis Jesu Siculi
Caltasinettensis, In ... Universitate Messanensi Theologiæ
Primarii Professoris, Tractatus Quinque In Quinque
Ecclesiæ Præcepta**

Tamburini, Tommaso

Dilingæ, 1697

Caput XV.

urn:nbn:de:hbz:466:1-40032

alia est ratio. Accendendum autem hoc lumen in distribuenda Eucharistia semper intelligitur (præter lumen lampadis) dealio lumine, seu candela: Dico extra Missam, nam, dum celebratur factum, qua obligatione debet ad esse lumen, alibi dictum est in opusculo nostro de sacrificio *Missa lib. 1. c. 5.*

18. Dices: quandoquidem hujus lampadis coram Sanctissimo facta est mentio, scire cupio, quid juris de continuo ardente lumine coram illo?

19. Respondeo. Quintanadvenit, de Euchar. sing. 1. damnat peccati mortali Parochum, & consequenter Superiorum Ecclesiarum, si eo sciente, & consentiente, lampas ante Ven. Sacramentum integro die non ardeat; & proinde non leviter delinquere auditum, qui per tres, aut quatuor noctes relinquat lampadem extintam, quia Paul. V. in suo Rituale mandat, continuo ardere illuc lampadem; si vero per unam tantum horam, aut quid amplius, peccatum grave non committere. Ita Quintanadvenias.

20. Quibus relatis, subjungit Gobat de communione cap. 2. in hunc modum. Nostra Synodus Constantiensis dicit quidem, ardet noctes, arque dies coram tabernaculo lampas; non tamen uitur verbo, reatum lethalem inducente; & vidi pluribus in locis, partim ob inopiam, partim ob longam consuetudinem, & etiam alicubi ob tormentum, non ita severè observari hanc dominam, quam non admitto universaliter in tanto rigore. Hactenus ille,

21. Nos in nostris Siciliæ diocesis bustigidores in hac re sumus; & cer-

tè cuiuscumque Ecclesiarum legitima consuetudo servanda est. Leander quidem tract. de sacrificio. *Missa disp. 7. quest. 71.* ait, nou' esse quidem præceptum in jure de hac continuatione lampadis eorum Sanctissimo; esse tamen sub mortali universalem Ecclesiarum consuetudinem, licet etiam hanc neget Marchantius apud eundem, præter modum dictum Gobat. Iterum igitur dico, servandam esse cuiuscumque Ecclesiarum consuetudinem.

CAPUT XV.

*Quomodo prædicta sint observanda in communicandis
peste infectis.*

1. **V**T id, arque ea, quæ huc pertinent, plenè explicitur, inquires primò, qua obligatione teneantur Parochi ad Eucharistiam porrigitam contagiosa peste infectis.

2. Respondeo, cum Filiberto Marchino de peste parte. 3. qui, cum ex communione Theologorum sententia, dixisset cap. I. num. 10. regulariter loquendo, Parochum ut potè Pastorem bonum teneri sub mortali, etiam cum periculo vita, per se, vel per alium, Sacramenta Pœnitentiarum, & Baptismi prædictis ministrare, si opus fuerit; deinde addit cap. 2. quoad Sacra Eucharistia, & Extrema Unctionis diversimodè loqui Theologos: alij enim cum Joanne Echio putant, obligari etiam ad hæc Sacra ministranda, quamvis cum certo eorum vita pericolo: alij cum Suario obligari solum ad

mi.

Ll 2

ministrandam Eucharistiam, non verò Extremam Unctionem: alij cum Philharco, alijsque ad neutrum obligari, modò infectus, sit legitimè confessus.

3. Dico ergo cum eodem Marchino, hanc tertiam sententiam amplectente, Parochum, postquam, ut dictum est, sive per te, sive per alium peste infectorum confessionem audivit, absolvitque, non esse sub mortali cōgendum, ad ministrandam prædictam Eucharistiam, vel Extremam Unctionem, cum admodum verisimili vitæ periculo; esse tamen id magnæ perfectiōnis, & charitatis opus, dubitare neminem posse. Ratio præcipua hujus tertiae sententiae est, quia ritè confessus, & absolutus jam manet in statu gratiæ, & sic gloriam non amitteret, atque ex alia parte Parochus ex vi curæ pastoralis solum tenetur vitam exponere pro necessarijs ad salutem suarum ovium, non verò pro non necessarijs; ad hæc enim tunc obligatur, quando ea conferre potest sine claro tuæ vitæ periculo; secus nimis supra humanas vites expolere mus à Parochis; unde judicandum, per assumptionem officij, ad hæc non necessaria, non tam rigorosè sele oblige.

4. Confirmatur hæc sententia ex declaratione Sacrae Congregationis ad S. Carolum Borromeum missa de qua ibidem testatur Marchinus.

*Die 3. Mensis Decembris 1677.
Congregatio censuit, scribendas esse litteras ad Carolum Borromeum in hanc formam.*

Parochi tempore pestis tenentur omnem residere in suis Ecclesijs Parochialibus,

& si non residēant, agendum contra em ex Decreto cap. 1. sess. 25 & servata forma ibi prescripta; ministrare veri Parochianis peste infectis Sacramenta Pœnitentia, seu confessionis, & baptizandi per alios.

Et licet Alciatus diceret, quod et duobus ultimis verbis videatur prohibiri, ne Parochi etiam volentes per se ipsos ha duo Sacramenta ministrarent, tamen ita Congregatio dixit, quod istam mens Sanctissimi in prohibendo hac Parochis, ad commodum Parochianorum, qui sani essent, si enim universalia nollent conversare cum Parochio evanescere ad infirmos peste.

5. Haec tamen Congregatio, quæ cum soldum requirat curam Parochorum pro ministranda pœnitentia, & Baptismo in illo periculo, videtur coldem exerculare à ministranda Eucharistia, & Extrema Unctione. Et tanè non solum excusabuntur, verū etiam obligabuntur hæc duo sacramenta non ministrare, quando ob administrationem horum decesserit, vel defecturus esset, qui postea administraret Pœnitentiam, vel Baptismum, sic enim nocerent gradi, non prodecent.

6. Dicitum est autem num. 3. (cum admodum verisimili periculo) nam si periculum non esset hujusmodi, ut evenire solet initio pestilentia, quando nondum certum appareret periculum, vel quando contagium leviter seruit, paucissimique inficiuntur; sicut ex vi tui officij cogendi sunt Parochi ad ministrandam etiam Eucharistiam, & Extremam Unctionem, ut notatibidem Marchinus n. 18.

7. Notatque idem n. 19. cum Filii Iudeo: si peste infectus, morti proximus, Sacramentum Pœnitentie propter aliquod impedimentum non suscepit, omnino Parochum, sive per se, sive per alium teneri, infecto illi sacram Unctionem conferre, ut scilicet si forè peccato mortali sit maculatus, possit attritus cum Sacramento Extremæ unctionis in gratia statu ponи.

8. Notat denique Leander apud Delgadillo cap. 4. de Euchar. num. 52. in predicto tempore pestis licet deferri Eucharistiam ad peste laborantes absque praecedenti lumine, vel sine stola, vel superpelliceo, quando haec comodi adhiberi non possunt, quia ipsum Sacramentum, debitaque illi reverentia quasi cedit tantæ infirmi necessitatibus.

An peste infectis ministrare liceat Eucharistiam aliquo Instrumento?

9. Q uoniam Suarez de Pœnit. diss. 44. scđt. num. 20. aliisque alati, approbatque à Marchino loco cit. cap. 5. dicunt, non esse incongruum, peste infectis ministrari à Parochis, ut magnum vitæ discrimen effugiant, Extremam Unctionem à longe, virgulâ quadam argenteâ, sive ex alia congruenti materia. inquires secundò, an id liceat in Eucharistia, hoc est, per aliquod instrumentum affabre factum, porrigerere infecto sacram hostiam?

Ut haec quaestio dilucidetur, habe hic, quæ docet contra hoc instrumentum Marchinus, quæque docet Mancinus in favorem.

10. Marchinus loc. cit. cap. 5. n. 6. sic pronunciat. Dico, regulariter loquendo, usum hujus instrumenti in administranda Eucharistia esse hoc tempore reprobandum: sic Bonacina, sic etiam Concilium quintum Provinciale Mediolanense, in quo quindecim Episcopi, & inter eos multi doctissimi interfuerunt. Ratio est, tum ob reverentiam tanti Sacramenti, quæ requirit, ut administretur à manu consecrata, tum ob periculum, ne sic dejiciatur Sacramentum. Confirmatur, quia gravante eo anno per plures partes pestilentia, nullus Episcopus usum hujusmodi instrumenti permisit. Quare Possevinus, qui citatur contra hanc intentiam, postquam usum dicti instrumenti, quæ disputativè approbare vixit, tandem sic adjecit: ego tamen non recederem à communiuo Ecclesie, quæ est ministrare immediate manu Sacerdotis. An autem (addit Possevinus) qui illo instrumento uteretur, peccaret mortaliter, dubito; quia contraveniret gravi ceremonia Ecclesie universalis.

11. Praxis ergo ad evitandum contagium in eo tempore erat, ut os ejus infecti, qui Sacram Eucharistiam iuscidere debebat, aperiret, ut sic exhalaret pestifer halitus; deinde Sacerdos elongabat brachium, & ab infimo longe distans, sacram hostiam eidem dispensabat; statimque ablique ulla mora digitos, & totam manum aceto abluebat. Hoc Marchinus.

12. Sed contra Mancinus sic habet in practica de visitandis infirmis præ Etica 8. Potes, feciudo periculo irre-

L 1 3 veren-

EVRIN

in

la præcepti

CARR

de

10. Oct. 1614

E III

7016:

verentiz ; uti aliquo decenti instrumento ad communicandum peste infestos, ut mortis periculum evites ; nam, quod tibi prodest, & alteri non nocet, facile concedendum. Ita Possevinus, quem sequitur Victorillus ; & hic quidem ait : sicuti sacra Eucharistia potest ministrari patenâ, ita posset aliquo instrumento affabré factō, etiam si istud non sit, ut est patena, consecratum : nam posset responderi, pyxidem, in qua servantur particulae, non oportere esse benedictam, ut tenet Azor, ita ergo nec instrumentum affabré factum ad hunc effectum communicandi infestos : & quidem hanc opinionem idem Bonacina probabilem esse putat.

13. Accedit denique usus assiduus, quem tenet D. Petrus de Marchis Archiep. Smyrnē, in sua Diœcesi, in qua assidue pestis vigeret ; & ipse met Patribus mez Religionis ministrantibus infirmis retulit, estque hujusmodi. Post illorum Confessionem Sacramentalē, Sacerdos ponit reverenter particulam consecratam super folium paginae albæ, existens super scabellum ad id præparatum, & dictis verbis, *Domine non sum dignus, &c.* infirmus accedit ad Sacramentum, & lingua particulam sumit, accipitque à Ministris purificationem, & interim Clericus cedula accensa in summitate virgæ paginam illam comburit. Hæc præfatus Archiepiscopus. Quem usum probabilem puto, tutaque conscientia teneri posse tempore pestis tantum. Haec enim Mancinus.

14. Advertis ingeniorum diversitatem inter duos tam vicinos nomine,

quam sententiis distantes. Hinc tam collige, utramque opinionem admitti probabiliter posse : quoad scandalum verò, si fortè ex alterutra timeatur, facile illi occurreret, monendo adstantes de probabilitate, securitateque opinionis. Sententiae Mancini adheret etiam Venerus, & Marcant, apud Dianam part. 3. tract. 4. resol. 114. & part. 5. tract. 3. resol. 50. tandemque probabilem vocat Barbosa, & Paxordan, apud Gobat de Communione casu 21. admititque Gavantus in Euchardion. Episcoporum Ver. pestis num. 7. & idem Gobat limitans pro locis, ubi sic usurpatur, addens ibidem alium modum communicandi prædictos peste laborantes, nempe si sacram particulam imponas spatulæ, atque ita portegas ægroto, statim deinde spatulam abluturus. Ita Gobat. Spatula autem est instrumentum ad gladij formam factum, seu ad similitudinem frondis arboris palmæ. Quod si latior, & in parva patenæ formam (ut sic caveatur periculum) summa pars sit, siaque ex argento, vel simili decenti materia ; nec, ut dixi, sit periculum, quod decidat facilè sacra particula ; si, inquam, sic fiat, videtur ad intentum nostrum aprius instrumentum, quam prædicta pagina, & scabellum.

15. Idem Archiep. Smyrnē, (ut etiam hac occasione non omittatur) Extremam Unctionem peste infectis sic administrari posse, afferuit. Ligant in summitate virgæ parvæ globulum bambaceum, quem oleo sancto Sacerdos intingit, & ungit partes corporis ungendas cum debita forma ; deinde cum

cum alia virga, in cuius summitate est alligatus parvus etiam globulus stupæ, seu bambacis, partes unætas abstergit cum consuetis observationibus, &c. Hac ex Archiepiscopo Smyrenensi. Manusciptus ibidem.

in bibliotheca.

CAPUT XVI.

An indigno ministranda sit ali- quando Eucharistia publico, vel occulto peccatori?

1. Regula generalis hac de re est lequens, tres habens partes. Prima pars est hujusmodi. Communionem negabit Sacerdos, sive Parochus, sive non Parochus peccatori publico publicè petenti. Secunda est: negabit item occulto petenti occultè, sed non negabit occulto publicè petenti. Tertia est: concedet publico, vel occulto, si non constet, eos confitere in luto peccati. Ratio horum dicitur ex illis duobus principiis, quod scilicet non est dandum Sanctum canibus, Math. 7. & quod conservanda semper est fama proximi. Legite hæc latè apud Suarez disput. 67. sect. 5. & Fagundez præcept. Eccl. 5. lib. 3. cap. 10.

2. Ad majorem tamen explicacionem pro praxi, nota primò: si peccator occultus petat quidem occultè, sed presentibus aliquibus, qui illius peccatum sciunt, nesciunt tamen penitentiam, tunc ille non est occultus respectivè ad hos, apud quos jam amisit jus famæ, & nec dum constat, illam recuperasse per emendationem; quare deneganda est ipsi communio: quod

si vel unus tantum ex assistentibus ejus peccatum reseiat, erit sanè occultus, & ei non erit deneganda communio, quia tunc petens communionem retinet jus famæ, quæ non amittitur, nisi per publicitatem, quam nunc non adesse, supponimus.

3. Nota secundò, si scias peccatum alicujus impenitentis ex sua Confessione Sacramentali, qui tamen petat communionem sive publicè, sive occultè, eam, ne quælo, deneges; ita te obligante rigorolo sigillo confessio- nis, etiamsi occultissimè petat; id enim esset expropriare peccatum penitenti, quamvis ipse solus adverteret.

4. Nota tertio, illud hic difficile est in praxi, quomodo cognoscatur, petens Eucharistiam, amisisse, vel non amisisse jus famæ; unde ipsi petenti debeam, vel non debeam morem gerere? Habe præ oculis sequentem distinctionem, quam colligo ex Car- muelle lib. 3. Theolog. mor. num. 1393. Vel antequam accedas ad altare, sis Petrum e. g. peccatorem publicum à te velle petere Eucharistiam, vel nescis antea, sed dum ibi existis, accedit ad te communicaturus dictus peccator; si sit hoc posterius, regulariter illum communica; quia in eo temporis mo- mento, nesciisque circumstantiis non potes deliberare, an ille fuerit à Deo ta-ctus, & consequenter confessus, & emendatus: quare, nisi evidentissimè tibi constet, ipsum adhuc esse in pecca- to (quod certè id difficile videtur, id tibi constare, tunc posse) non potes il- lum repellere.

¶ Si

BVRINI
in
LIBRARY
CARD
de
10. Oct. 1891
E III
30:6: